

A *rubá***A** *ntaño*

Si nos tin di tuma awe pa nos Aruba di antaño, nos tin cu repasa nos memoria riba SanNicolas. E no tabata e capital di nos dushi isla, pero si pa masha hopi tempo un di e adernan principal pa loke ta trata nos economia. E ader den cual a sali e adelanto te cu a yega di ser yamá "the boom town". SanNicolas a brinda e oportunidad grandi di su haf pa cu asina tambe Lago por a bini pa Aruba. Cu esaki tambe un enorme cantidad di caribense a bin establece nan mes riba nos suelo. Asina tambe nos a yega di ser apobla cu mas di cuarenta diferente nacionalidad. Mas di cien aña pasá hopi prome cu Lago e tabata e sitio apropiado pa e industria di fosfaat, cual ta data na 1879. Lago mes esta e refineria a ser construi dor di un grupo di canadiense encabeza pa Capt.Rodgers. Primeramente e nomber tabata PanAm, y como e petroleo tabata bini for di e Lago di Maracaibo, esaki a adopta e nomber di Lago. Nos ta acompaña e Aruba Antaño di awe pa ilustra un trolly, como e medio di transportacion, esta e PanAm Railroad. Tempo a pasa, y tur esnan cu a saca e mihor probecho, sea comercialmente o di otro forma, a bira lomba lagando esaki manera un yiu bandoná, siendo yiu di e mesun mama cu yama Aruba. Comerciantenan (no tur), gobiernonan y e mercadero ya cu nan no por a saca probecho for di dje cu excepcion ora di votamento bira lomba y lubida cu un tempo e tabata e ader principal. Antes y hasta awor ta e tópico di comentario den boca di pueblo, ya cu tur cos no ta di e color di rosas.